

御撰資治通鑑綱目三編

卷之五

戊甲

御撰資治通鑑綱目三編卷三十六

起甲戌明莊烈帝崇禎七年
盡丙子明莊烈帝崇禎九年
凡三年

七年春正月以陳奇瑜總督河南山陝川湖軍務討流賊

初流賊既自秦入晉掠河北畿南關中寇患少紓奇瑜
時為延綏巡撫復分遣文武將吏擒斬賊渠截山虎等
百七十七人他賊多解散獨鑽天哨開山斧據永寧關
前阻山險下臨黃河負固數年不下奇瑜謂是不可以
力取乃陰簡銳士陽言總制檄發兵令賀人龍將之而
西身為後勁直抵延川俄策馬東曰視吾馬首所向潛
師疾走入山賊不虞大兵至驚潰焚其巢斬首千六百
有奇二賊俱馘分兵擊斬賊首一座城等獲首級五百
五十延水羣盜盡平奇瑜威名著關陝至是賊南渡河
躡湖廣窺四川廷議諸鎮撫事權不一宜設大臣統之
多推薦洪承疇以承疇方督三邊不可易乃擢奇瑜
兵部侍郎兼右僉都御史總督五省軍務專辦流賊
實陳奇瑜字玉鉉保德州人

賊自鄖陽渡漢遂入四川二月陷夔州

先是賊旣渡河張應昌追敗之靈寶湯九州李卑又敗
之嵩縣內鄉及入湖廣卑又敗之光化賊聞官軍至輒
以老弱委之而精銳多前走故諸將動稱捷報功賊勢
彌熾鄖陽諸屬邑皆先後陷房縣知縣貢從貴保康知
縣方國儒竹谿訓導王紹正死之賊遂自鄖陽渡漢薄
穀城犯襄陽羣盜畢會分陷紫陽平利而擁衆南攻興
山破其城殺知縣劉定國縱掠歸州巴東夷陵突入四
川攻夔州城中倉猝無備通判推官悉遁同知何承光
攝府事率吏民固守力竭城陷承光整衣冠危坐賊入
殺之投屍于江又陷大寧殺知縣高日臨訓導高錫巡
檢陳國俊其他部連陷巫山通江巡檢郭贊化指揮王
永年力戰死自賊起陝西轉寇山西畿輔河南北及湖
廣四川陷州縣以數十計未有破大郡者夔州地稱天
險及是失守遠近震動會左良玉自石砭赴援川北副
將張令復以兵扼諸要害賊不敢進乃析其黨爲二一
走還楚一自通江走廣元冲百丈關殺守備郭震辰指
揮田實由七盤陽平關入秦以抵鞏昌總督洪承疇禦
之秦州賊遂越兩當襲破鳳縣主簿吉永祚教諭李之
蔚鄉官魏炳皆遇害賊又析其黨爲二一由鳳縣奔寶
雞汧陽一向漢中取間道犯城固洋縣東下石泉漢陰
殺鄉官楊呈秀會于漢中興安以窺商維商州防守閭
調化勦賊于碓被執不屈死而張獻忠亦自應山西奔

商雒以十三
營流入漢南
質實
光化宋析穀城縣地置乾德尋改光

紫陽明正德八年于金州地立紫陽堡尋升縣屬興安

州以隸于漢中府今升興安為直隸州縣仍屬焉歸州

唐置明洪武元年廢尋復置以秭歸縣省入隸荊州府

本朝雍正六年升直隸州十三年改屬宜昌府巴東

隋置明初屬夷陵州隆慶四年改屬歸州今屬宜昌府

夷陵漢縣北周為硤州隋唐宋為夷陵郡治元為硤州

路治明初為硤州府治洪武九年降夷陵州屬荊州府

本朝雍正十三年改設東湖縣為宜昌府治七盤關

在廣元縣北一百六十里七盤嶺上兩當後魏置明屬

徽州以隸于鞏昌府本朝雍正七年改屬秦州鳳縣

西魏鳳州明降縣屬漢中府今因之城固漢縣洋縣唐

洋州明降縣與城固並屬漢中府今因之石泉西魏置

元省明復置漢陰唐置元省明復置並屬興安州以隸

于漢中府今屬興安直隸州貢從貴元城人方國儒字

道醇歙人母以孝聞賊大入湖廣將吏率望風先奔

保康邑小素無兵賊至國儒率鄉兵出禦力不支城陷

被執罵賊中七刃死何承光鎮遠人死事後贈夔州知

府高日臨字儼若鄱陽人賊攻大寧見勢弱不能禦齧

指書牒乞援上官率眾捍賊北門兵敗被執大罵不屈
賊碎其體焚之高錫之妻女陳國俊之妻亦皆遇害古

永祚輝縣人爲鳳縣主簿謝事將歸會賊至知縣棄城遁永祚倡義拒守城破北面再拜曰臣雖小吏嘗食祿于朝不敢以謝事逃責子士樞士模皆死事聞贈漢中府經歷同死難之李芝蔚魏炳贈卹有差楊呈秀官順慶知府大計罷歸賊至佐有司守禦力戰被執大罵賊磔之其弟呈芳單騎入賊營斬賊數十重創死閭調化商州人以武進士署商州防守事六年冬奉檄入維剿賊至是殉節本朝乾隆四十一年追諡方國儒吉永祚高日臨王永年郭震辰田實楊呈秀烈愍貢從貴何承光閭調化節愍王紹正等並入祠

三月丁亥朔日有食之

夏四月山西陝西大饑

山西赤地數千里大饑人相食給事中吳甘來疏請發粟以振且言山西總兵張應昌等多殺難民冒功中州諸郡畏官軍甚于賊陛下生之而不能武臣殺之而不顧臣實痛之又言賞罰者將將大機權也陛下加意邊陲賞無延格乃閩海獻捷黔蜀爭功待勘累年急則用其死緩緩則束以文法况封疆之罰武與文二內與外二士卒與將帥二受命建牙或逮或還而跋扈將帥罪狀已暴止于戴罪偏裨不能令士卒將令不能令偏裨

督撫不能令將帥將聽賊自來自去誰爲陛下
翦凶逆者疏入詔發帑振飢而軍政無章如故

五月大旱

帝因旱求言給事中黃紹傑乃疏論溫體仁畧言漢世
災異策免三公宰執亦因罪以求罷今者久旱陛下修
明政治納讜言可謂應天以實矣而兩澤不降何哉天
有所甚怒而不解也次輔溫體仁者秉政數載上千天
和無歲不早曠無日不風霾無處不盜賊無人不愁怨
秉政既久窺覘益工中外趨承益巧一人當用則曰體
仁意未遽爾也一事當行則曰體仁聞恐不樂也覆一
疏建一議又曰慮體仁有他屬不體仁然則體仁忌諱無
其兇鋒也凡此召變之尤願陛下罷體仁以回天意體
仁罷而甘霖不降殺臣以正欺君之罪帝方眷體仁
紹傑一秩體仁疏辨且訐其別有指授紹傑言廷臣言
事指及乘輿猶優容一字涉體仁必遭貶黜誰不自
愛爲人指授也因列其罪狀且曰臣所仰祝聖明洞燭
體仁奸欺者其說則有兩端下惟朋黨一語可以箝言
官之口挑善類之禍上惟票擬一語可以激聖明之怒
蓋憤誤之愆體仁猶辨且以朋黨爲言紹傑遂言體仁
受銅商王誠金體仁長子受巡撫沈榮及兩淮巡鹽高
欽順等金皆萬計體仁用門幹王治東南之利皆其轉

輸體仁私邸兩被盜失黃金寶玉無算匿不敢言帝怒調爲上林苑署丞遷行人司副

六月陳奇瑜圍賊于車箱峽賊僞降奇瑜縱遣之賊遂叛

陷所過州縣

先是奇瑜檄諸將會兵陝州圖進勦而廷議以鄖陽屬
邑皆陷逮撫治蔣元儀擢大名副使盧象昇代之助奇
瑜勦賊會賊之自蜀還楚者張應昌擊之五嶺山敗績
身中一矢退還賊遂大入又分其黨爲三一犯均州往
河南一犯鄖陽往浙川一渡河犯商南奇瑜乃馳至均
州檄陝西巡撫練國事駐商南過其西北河南巡撫元
默駐盧氏過其東北湖廣巡撫唐暉駐南漳過其東南
奇瑜偕象昇由竹谿至平利之烏林關十餘戰大破之
總兵官鄧玘及別將楊化麟楊世恩周任鳳楊正芳等
分道擊賊復連勝副將劉遷等搜竹谿平利賊先後斬
馘三千有奇擒其魁十餘人參將賀人龍等逐賊八晝
夜至紫陽賊死者萬餘人奇瑜以湖廣賊多鼓行而西
謂賊不足平乃遣遊擊唐通防漢中以護藩封參將賀
人龍劉遷夏鎬扼畧陽沔縣防賊西遁副將楊正芳余
世任扼褒城防賊北遁自督副將楊化麟柳國鎮等駐
洋縣防賊東遁又檄練國事盧象昇元默各守要害截

賊奔逸賊見官軍四集大懼悉遁興安之車箱峽諸渠
魁高迎祥李自成張獻忠等咸在焉峽四面巉立中互
四十里易入難出賊誤入其中山上居民下石擊或投
以炬火且累石塞其口路絕無所得食困甚又大雨二
旬弓矢盡脫馬乏芻死者過半自成窘甚用其黨顧君
恩謀以重寶賂奇瑜左右及將帥偽請降奇瑜意輕賊
有驕色遽許之悉籍其名勞遣歸農每百人以一安撫
官護之檄所過州縣具糗糧傳送諸將無邀擊以撓撫
事賊既出棧道即大譟叛盡殺安撫五十餘人屠所過
七州縣署麟遊知縣董時和死之而賊之屯漢興者亦
自畧陽來會關中大震奇瑜悔失計因委罪他人以自
解賊初叛猝至鳳翔誘開城守者知其詐給以縋城上
殺其先登者三十六人餘噪而去其犯寶雞者亦為知
縣李嘉彥所挫奇瑜遂劾嘉彥及鳳翔鄉官孫鵬等撓
撫局帝怒逮嘉彥鵬及士民五十人奇瑜檄止兵臣未
國事國事上言漢南賊盡入棧道奇瑜檄止兵臣未知
所撫實數及見奇瑜疏八大王部萬三千餘人蠍子塊
部萬五百餘人張妙手部九千一百餘人八大王又一
部八千三百餘人臣不覺仰天長歎夫一月內撫強寇
四萬餘盡從棧道入內地食飲何自出安得無剽掠且
官軍防護一大帥止將三千人而一賊魁反擁萬餘眾
安能受紀律耶賊皆藉口歸籍然延安州縣驟增四萬

餘人安集何所合諸征勦兵不滿二萬而降賊踰四萬
豈內地兵力所能支宜其連陷名城而不可救也若咎
臣不堵勦則先有止兵檄矣若云賊已受撫因誤殺使
人致然則未誤殺之先何為破麟遊永壽為今之計惟
急調大軍致討若仍以願回原籍禁兵勿勦三秦之
禍安所終極哉疏入事已不可為遂逮國事下獄
實車箱峽在興安州界五嶺山在均州界均州戰國時
為均陵隋置均州明屬襄陽府今因之浙川後魏置
後周省入中鄉縣五代梁復置浙水金省入內鄉明成
化時復置屬鄧州以隸于南陽府今徑屬南陽府烏林
關在平利縣東南二百七十里一名武陵關褒城漢褒
中隋改褒城明屬漢中府今因之永壽唐析新平縣地
置明屬乾州以隸于西安府今升乾州為直隸州縣仍
屬焉唐暉欵人董時和陽武人以扶風縣丞署麟遊縣
事城陷遇害時麟遊生員趙應璧隨母避賊賊至母投
崖死應璧從之
本朝乾隆四十一年追諡時和節愍
入祠

發明

車箱峽之役實為流賊殄滅之一機時李自成
張獻忠同困峽中進退不可芻糧俱盡已成束手
以待斃之勢而陳奇瑜遣將分防截其遁逸於兵法
亦握勝算一旦舉而殲之易如反掌積年巨寇得以

秋七月我

大清兵入上方堡至宣府京師戒嚴

掃蕩芟夷天時地利未有若斯之宜者何乃為左右
所愚尋楊鶴之覆轍而縱之使逝至今困獸出柙反
噬益甚厥後盜氛日張毒流海宇延禍無窮史稱流
賊之肆毒始于楊鶴而成于陳奇瑜信矣莊烈不早
燭受降之失計至連陷名城猶聽其飾詞卸過轉逮
禦寇之孫鵬李嘉彥以為流賊報仇及練國事之疏
敘奇瑜失策之罪極為透悉復以事不可為而逮國
事下獄政刑顛倒坐失事機明之亡豈盡天為之哉

先是宣府巡撫沈榮遣使乞和于

大清與我阿什達爾漢達雅齊龍什衛寨桑等刑白馬烏

牛定議尋二哨卒出邊被獲

大清以約既定即遣還之有三人私入邊者斬一人界上

鞭二人百貫其耳還所取物于邊吏我

大兵征察哈爾道出宣府邊城多頽壞我

太宗

文皇帝諭軍士無或蹂躪而廷議責榮專擅尚書熊明遇

曲為榮解帝不悅逮榮下吏明遇亦為言官劾罷於是

遼東諸將聞出邊擾我屬部戕害二十餘人張家口守

臣復多匿逋逃

大清屢諭責之怙不悛及察哈爾既下林丹汗走死其宰

桑巴圖魯噶爾瑪濟農等率眾降獨卜內額爾等攜察

哈爾汗之三妻一妹及其部眾奔榆林西宣大甯錦諸

邊吏欲冒為功爭招納之

大清兵由察哈爾凱旋因入邊間罪四路並進自宣府趨

應州畧大同下得勝堡參將李全自縊進攻保安知州

閻生斗集吏民拒守城破被執死之守備徐國泰判官

李師聖吏目王本立訓導張文魁生員姚時中張師載

亦同死旋入靈邱知縣蔣秉采募兵堅守力屈眾潰投

縋死合門殉之守備于世奇把總陳彥武馬如豸典史

張標教諭路登甫並戰死又守備張修身常汝忠亦先

後殉節死沿邊城堡多失守遠近震懼特詔總兵陳洪

範守居庸保定巡撫丁魁楚守紫荊雁門總兵尤世威

吳襄等援邊而以宣大總督張宗衡節制各鎮援兵宗

衡暨總兵曹文詔張全昌等皆不敢戰代王母楊太妃

命宗衡等求和戎

大清亦布告以申討之意既下萬全左衛遂班師宗衡文

詔全昌及巡撫胡沾恩等並遣戍山西巡撫吳牲請留

文詔全昌勸晉賊自贖帝可之兵部議令文詔馳勸河

南賊牲復抗疏爭請先平晉賊後入豫帝不許而文詔

以牲有恩竟取道太原為牲所留時山西降盜王剛王

之臣通天柱等已為前巡撫戴君恩所斬獨賀宗漢劉

溫體仁巧詐阻深貌為公
宜以要結主知及在閣惟
日以蔽賢植黨為事甚至
力翻閣案變亂是非而于
邊計民生皆漠然置之不
問已為誤國罪首至流賊

冬十一月陳奇瑜有罪下獄以洪承疇代之

浩然王加計猶擁眾自恣剽掠城邑垣曲典史秦宗文
黎城布衣李養裕先後以督鄉勇捍賊死姓陽為招撫
密令參將猛如虎虎大威劉光祚等圖之山質實堡在
西盜盡平明年鳳陽告陷文詔遂整兵南
大同縣北八十里東至邊牆三里北至邊牆三里明嘉
靖十八年築城今日得勝路靈邱漢縣明屬蔚州以隸
于大同府今徑屬大同府垣曲漢縣宋改垣曲明屬
絳州以隸于平陽府今升絳州為直隸州縣仍屬焉閻
生斗汾西人徐國泰上虞人蔣秉采全州人秦宗文武陽
人皆殉節李師聖隆谷人蔣秉采全州人秦宗文武陽
人本朝乾隆四十一年追謚徐國泰烈愍李師聖秦宗文
斗蔣秉采于世奇張修身常汝忠節愍李師聖秦宗文
李養裕等並入祠丁魁楚永城人代王
傅濟代簡王桂十一世孫崇禎間襲封

給事中顧國寶御史傅永淳交章劾奇瑜受賄縱賊詔
錦衣官逮訊而以洪承疇代時賊已蔓延不可撲滅大
學士溫體仁謂山西巡撫吳甡曰流賊癘疥疾質實顧
不足憂也奇瑜罪當死有庇之者未幾謫戍邊質實國
寶南通州人傳
永淳靈壽人

橫行日久間帥覆轍相尋
其糜潰滋深雖童孺亦知
為淪胥無日乃體仁並未
聞有勦盜深謀轉指劇寇
為疥癬置隱憂于度外真
不復少具人心莊烈偏聽
生好尚加信倚崇禎十七
年之閒相更五十而體仁
獨居位八年終致傾危莫
挽亡國之君各賢其臣于
體仁又何貴焉

賊自陝西出犯河南

陽布衣	遊知縣	舉崇信	元機胡	信遊擊	鄉蹂躪	十餘萬	南副總	漢山西	聚陝西	反人龍	環攻李	與二將	龍泣夢	百餘人	司石崇	節死遂	破其城	邵陽比	賊既軼
王祚以捍賊死耀州生員宋緒湯以言賊死賊	呂鳴世則皆以長吏殉城死其士民仗義者涇	知縣龐瑜山陽知縣董三謨涇州知州婁璆麟	長翰花馬池營千總蔡應昌而甘泉知縣蒲來	丁孔應指揮李學牧守備史大勳昌平鎮將凌	郡邑數十諸將先後以死事著者有總兵殷體	往來關中連營輒百餘里別賊萬餘屯維南閣	兵楊正芳及裨將張上達皆死之當是時賊二	兵出蒲州韓城共討賊而湖廣一軍尋覆于維	詔河南兵入潼華湖廣兵入商雒四川兵由興	不報固守兩月左光先救至圍始解廷議以賊	自成以人龍同里開遣其將高傑遺書招之令	俱戰死未幾復圍隴州賀人龍馳救之賊悉眾	龍揮之曰何作此婦孺態大呼奮擊手敵數人	被圍數重賊矢石如雨突圍不得出二將抱夢	德禦之賊初不滿千已而大熾夢龍所將止三	薄靜海州固原參政陸夢龍率遊擊賀奇勦都	殺知縣費彥芳鄉官楊泰初生員楊泰運皆殉	洪承疇兵至解圍去轉寇平涼邠州進攻隆德	出車箱峽大掠所過州縣擁眾而西陷澄城圍

氛方日熾聞承疇將合諸路兵進剿賊渠高迎祥李自成等遂竄入終南會西寧兵變殺將領承疇還軍定亂賊又出終南分陷關隴及承疇自甘肅引兵而東賊乃悉眾東奔陷陳州靈寶汜水滎陽河南復震賊每營數萬兵更番進皆因糧宿飽官軍寡備饋餉或不繼賊介馬馳一日夜數百里官軍步多騎少行數十里輒疲乏以故多畏賊時左良玉扼新安澠池陳治邦駐汝州陳永福扼南陽皆坐甲自保良玉前在懷慶與督撫議不合因是生心緩追養寇多收降者以自重督撫調不時應命漸有跋扈端實無意殺賊而賊傳良玉且至移壁梅山質實邠州西魏置幽州唐改幽曰邠屬西安漆水間質實府本朝雍正三年直隸陝西省隆德金升德順州之龍德寨為縣明屬靜寧州以隸于平涼府今徑屬平涼府崇信唐于原州地築崇信城宋始置縣涇州唐置明並屬平涼府今因之梅山在鄭州西南三十五里與新鄭縣接界費彥芳崇德人按崇德明屬嘉興府本朝康熙元年改石門楊泰初官松江通判方里居賊陷城與子生員善俱赴井死楊泰運為賊所執罵不絕口斷舌死陸夢龍浙江山陰人贈太僕卿殷體信朔州人戰歿于陣丁孔應寧夏人被執不屈害李學牧亦寧夏人陷賊中與王風木等謀舉義事洩北面再拜受刃史大勳長安人率兵逐賊馬蹶被執為所殺

凌元機胡良翰皆湯九州部將賊屯閩鄉九州遣元機
 良翰搜山賊敗歿蔡應昌寧夏中衛人赴勦血戰死蒲來
 舉蓬溪人賊犯甘泉守備孫守發擁兵不救城陷來舉
 手刃數賊死之贈光祿少卿龐瑜字堅白公安人崇信
 故無城遭兵荒縣止貧戶百餘瑜知賊必至集士民築
 土垣以守流涕誓死職會天大雨土垣盡圯賊大至瑜
 急解印遣家人齎送上官端坐堂上賊掠城中無所有執
 賊奴敢辱官長拔刀脅之罵益厲賊掠城中無所有執
 至野外剖心裂腹而死贈妻李氏亦攜子女偕死贈光祿
 父嗣成弟三元俱殉難妻李氏亦攜子女偕死贈光祿
 丞婁琇湘陰人知涇州城陷死贈太僕少卿呂鳴世福
 建人麟遊屢被賊鳴世撫居民有恩城陷賊不忍加害
 自絕食六日卒按湖廣通志有知府簡而可者遂安人
 亦于是年殉節死本朝乾隆四十年追諡陸夢龍
 忠烈費彥芳賀奇勳石崇德楊正芳張上達殷體信蒲
 來舉龐瑜婁琇烈愍楊泰初凌元機胡良翰丁孔應李
 學牧史大勳董三謨呂鳴世簡而可節愍楊泰運蔡應昌等並入祠

八年春正月詔洪承疇出潼關討賊

帝以河南賊熾命承疇出潼關與山東巡撫朱大典協
 勦時賊方屯梅山漆水乘間陷上蔡固始諸縣聞承疇

將出關遂大會羣賊于滎陽老回回曹操革裏左金
王改世王射場天橫天王混十萬過天星九條龍順天
王及高迎祥張獻忠共十三家七十二營議敵官軍未
決李自成進曰匹夫猶奮况十萬眾乎官軍無能為也
宣分定所向利鈍聽之天皆曰善乃議革裏左金王
當川湖兵祥獻忠及自成畧東方老回回天星扼河上綴河
南兵迎祥獻忠及自成畧東方老回回天星扼河上綴河
應陝兵銳益以射場天成畧東方老回回天星扼河上綴河
均眾如自成言始迎祥與獻忠並起比肩而自成乃迎
祥支黨不取與獻忠偶及是遂相顧頗與俱東掠白固
始抵霍邱陷其城縣丞張有俊教諭倪可大訓導何炳
若鄉官戴廷對田既庭舉人主毓貞張燦恆死焉遂燔
壽州攻潁州知州尹夢鼐通判趙士寬方謁上官于鳳
陽驛聞賊至立馳還賊已抵城下率民壯固守城北有
高樓可瞰城中諸生劉廷傳請先據之以夢鼐以為然而
廷傳所統皆市人不可用賊遂據樓以攻且鑿城頗數
丈城上人皆走止之不可夢鼐持大刀獨當城環處殺
賊十餘人身被數刃賊眾畢登遂投城下烏龍潭死城
既陷士寬率眾巷戰力竭亦赴水死潁川衛孫升田三
北隅賊分攻衛城指揮李從師王廷俊千戶檀俱乘城
震百戶羅元慶田得民王之麟前所百戶汪檀俱乘城
戰死衛經歷胡士定及廷傳以罵賊死致仕尚書張鶴